

DYDROGESTERONE

A. APAKAH KEGUNAAN UBAT INI?

- ✚ Ubat ini digunakan untuk merawat pelbagai keadaan akibat kekurangan hormon progesterone antaranya masalah gangguan haid, endometriosis, ketidaksuburan dan mencegah keguguran.
- ✚ Digunakan sebagai gabungan dengan estrogen didalam terapi penggantian hormon (HRT)

B. BAGAIMANA UBAT INI BERTINDAK?

- ✚ Ubat ini bertindak dengan mengawal pertumbuhan sihat lapisan rahim.
- ✚ Mengawal pertumbuhan lapisan rahim yang terlalu cepat akibat hormon estrogen.



C. BAGAIMANA UBAT INI DIGUNAKAN?

A. CARA MAKAN

- ✚ Makan ubat ini seperti diarahkan oleh doktor
- ✚ Ubat ini boleh dimakan sebelum atau selepas makan
- ✚ Ubat ini perlu diambil secara berterusan dan pada waktu yang sama seperti yang diarahkan

B. JIKA TERLUPA

- ✚ Makan dos yang terlupa sebaik sahaja teringat TETAPI abaikan dos tersebut jika telah hampir masa untuk dos seterusnya.
- ✚ Jangan gandakan dos ubat untuk menggantikan dos yang terlupa.

C. BAGAIMANAKAH ANDA PERLU MENYIMPAN UBAT INI?

- ✚ Simpan ubat dalam bekas asal, pada suhu bilik (23°C - 27°C), jauh dari haba, kelembapan dan cahaya matahari.
- ✚ Jauhkan daripada kanak-kanak.

D. PERINGATAN !!!



➤ **SEBELUM MENGAMBIL UBAT INI**

Maklumkan kepada doktor jika anda;

- ✚ Mempunyai alahan/alergi kepada ubat ini.
- ✚ Mengalami pendarahan faraj yang tidak diketahui puncanya
- ✚ Mempunyai masalah jantung yang serius
- ✚ Mempunyai penyakit hati, buah pinggang, darah tinggi atau diabetes.
- ✚ Pernah mengalami strok, darah beku atau sejarah penyakit kanser yang berkaitan hormon.
- ✚ Mempunyai penyakit sawan atau migrain
- ✚ Hamil atau memberi susu badan
- ✚ Mengambil sebarang vitamin, produk herba atau ubat-ubat



➤ **SEMASA MENGAMBIL UBAT INI**

Maklumkan kepada doktor jika anda;

- ✚ Mengalami kesan sampingan yang berlarutan (contoh: sakit kepala)
- ✚ Didapati hamil dan memberi susu badan
- ✚ Mengalami alahan/alergi kepada ubat ini

AMARAN !!

SEKIRANYA
TANDA-
TANDA INI
BERLARUTAN
SILA
RUJUK
DOKTOR

E. KESAN SAMPING UBAT

- Pesakit mungkin akan mengalami kesan-kesan berikut:
 - ✚ Sakit kepala
 - ✚ Pening
 - ✚ Mengantuk
 - ✚ Loya
 - ✚ Pendarahan antara haid
 - ✚ Sakit/ketidakselesaan pada payudara
 - ✚ Ruam/gatal pada kulit
 - ✚ Meningkatkan berat badan

- Pesakit perlu melaporkan kepada doktor atau ahli farmasi sekiranya mengalami kesan seperti berikut:
 - ✚ Tanda reaksi alergi seperti susah bernafas, bengkak pada muka/bibir mulut/lidah/tekak
 - ✚ Gangguan penglihatan
 - ✚ Sakit kepala yang melampau

Rujukan:

- www.medindia.net
- www.practo.com
- www.netdoctor.co.uk
- www.drugbank.ca
- Sisipan maklumat ubat

Sebarang pertanyaan mengenai ubat-ubatan, sila hubungi Jabatan Farmasi, Hospital Universiti Sains Malaysia. 09-7673000 sambungan:

Unit Farmasi Klinikal dan Maklumat Drug : 3384/3386

Unit Farmasi Pesakit Luar : 3393/3394
